

**FRETILIN IHA PARLAMENTU NASIONAL
KOMUNIKADU IMPRENSA**

**BANKADA FRETILIN KONSIDERA TENTATIVA TRANSFERE OSAN
HUSI FUNDU PETROLÍFERU ENKUANTU TRIBUNAL REKURSU
SEIDAUK DESIDE KONA-BA KONSTITUSIONALIDADE NO
LEGALIDADE ALTERASAUN LAP NUDÁR POLÍTICA MÁ-FÉ.**

Dili, 13 febreiru 2019



Representante Joaquim dos Santos Boraluli husi Bankada FRETILIN responde ba Presidente Parlamentu Nasional, Sr. Araújo Noé, nia deklarasaun ba media ne'ebé hatete katak prosesu halo levantamentu husi Fundu Petrolíferu bele kontinua maske requerimentu ba fiskalizasaun abstrata hasoru Lei das Atividades Petrolíferas (LAP) hatama ona iha Tribunal de Rekursu.

Alterasaun ba LAP inklui provizaun ne'ebé kontra ita-nia Konstituisaun no mós ameasa sustentabilidade ba ita-nia úniku fundu de soberania, Fundo Petrolíferu.

Nune'e, iha lora 30 janeiru 2019, Deputadu na'in 23 husi Bankada FRETILIN no Bankada Partidu Demokrátiku hatama rekerimentu ba Tribunál de Rekursu hodi husu fiskalizasaun abstrata konstitucionalidade nian ba Dekretu Parlamentu Nasional no. 3/V kona-ba Primeira Alterasaun ba Lei No. 13/2015 (2 setembru), Lei das Atividades Petrolíferas.

FRETILIN defende transparansia iha jestaun ba finansas públicas, atu asegura utilizasaun responsavel ba nasaun nia rekursus financeirus. FRETILIN mós defende desenvolvimentu sustentável, atu garante benefísiu ba ema hotu-hotu, la'ós de'it ba jersaun ohin nian, maibé ba jersaun sira iha futuru mos.

“Bainhira Tribunal Rekursu sei delibera kona-ba rekursu ida ne'e, mezmú ke lei vigora hela, bazeia ba étika política loloos, hotu-hotu hein antes halo prosesu levantamentu ruma, atu garante katak estadu la foti desizaun ne'ebé kontra Konstituisaun no lei sira,” deklarara Representante Joaquim Boraluli.

Se hanoin ho Sentidu Estadu, ita fó tempu atu bele iha desizaun final husi Tribunal de Rekursu, la'ós koko atu foti osan lalais tanba de'it ta'uk desizaun ne'e bele la favorese sira. Ida ne'e hatudu política má-fé, katak laiha interese atu salvaguarda Timor-Leste nudár estadu de direitu demokrátiku,” hatutan Boraluli.

Bankada FRETILIN husu parte hotu-hotu atu hein deliberasaun husi Tribunal de Rekursu, no husu atu labele iha interferénsia externa ba Juiz sira hodi sira bele hala'o sira nia knaar ho independénsia tuir kompeténsia ne'ebé Konstituisaun fó.

Ba informasaun liu tan favor kontakta representante Joaquim dos Santos Boraluli +670 7725 8446